

Friday, March 13, 2026

Time - 2:30pm - 2:35pm

AKASHVANI AIZAWL

REGIONAL NEWS BULLETIN

(MIDDAY)



CHAPCHAR KUT

Mizote Kut pui ber leh ngaihhlut ber Chapchar Kut lawmna Aizawl Lammual ah hman mek a ni a, kut thupui atan zonun ze mawi - inremna tih hman a ni.

Cheraw & Hla do chham SFX

Chapchar Kut lawmna pui ber Aizawl Lammual ah hian kut ngaihlu lawm tura kal mipui pawh an thahnem hle a, khua a duai a, ruah sur tur a intham nasa hle chungin mipui kalkhawm te boruak erawh a zangkhain an hlim hle a ni..

Kut Pa Chief Minister Pu Lalduhawma chuan he hun hmang tura kal zawng zawngte chu Chapchar Kut chibai bukin, abik takin hnamdang he kut hmang tura lo kal te chungah lawmthu a sawi a, Chapchar kut chu kan pi leh puten eizawna bul an tanna, an kumthar in tanna a ni a ti a, a hma atangin kut sa te zawngin chhungtinin sa hmeh an tum a, hemi ni ah hian inhau an awih ngai lo a ti a. Chutiang chu pi leh pute lo hman thin dan a nih avangin kumin Chapchar Kut thupui atana zonun ze mawi - inremna tih an thlang chu kan pi pute lo hman thin dan nen a inhmeh hle a ti.

Byte: Chief Minister Pu Lalduhoma

Chapchar Kut chhim tu zingah hnamdang an thahnem hle niin kan corr chuan a sawi a, thenkhat Chapchar Kut la hre lo te pawhin an lawm hle a, kumdangah an thiante hruaia lo kal leh ngei an tum thu an sawi a ni, a ti.

(TOURIST BYTE)

Chapchar kut 2026 lawmna pui berah hian Cheraw kanpui YMA Branch 97 atang cheraw kanpui bu za leh pasarih neih a ni a, hei bakah hian kut pual in a vawi khatnan Chief Minister chawimawina no pui mi pa 5- Lemziak thiam Lalhmingmawii, Auto Rickhsaw khalhtu rinawm Henry Lalhmingmuana, Nungcah humhalhtu Pu V.L. Bela, Entrepreneur hlawhtling John Lalrinchhana Zahau, Naupang zaithiam Esther Hnamte te hnenah hlan a ni a, Hlado chham, Cheraw Kanpui, pawnto, Lengkhawm zai, Parlam, Pipu Zai, Lemchan, thla koh, mizawn inchuh, mal zai, pipu zai, zavai chai-Lera zai, khuallam te leh Mizo hnam thuam leh Mizo infiamna te entir a ni.



ART & CULTURE MINISTER

Art & Culture Minister Pu C. Lalsawivunga'n Chapchar kut chu kumtin March Zirtawpni hmasa ber dawttuah hman thin tura ruahman a nih thu a sawi a, Mizote kut neih zinga chhuanawm ber Chapchar kut hmang uara ngaihllu zual zel turin mipuite a chah

Vawiin Aizawla Chapchar Kut lawmnaah Kut thlengtu, Art & Culture Minister Pu C. Lalsawivunga chuan Mizote kut ngaihsan leh ropui ber Chapchar Kut a lo thleng leh ta chu lawmawm a tih thu sawiin, Chapchar Kut lo awm chhan leh hman anih chhan ber kut hnathawktu zawng zawngte leh kut hmangtu zawng zawngte chibai bukin, kartir Thawtanni zing karah Chapchar kut tlan hmangin bul an tan a, Handloom textiles, & handicraft exhibition, food processing, & food court, flower show, living museum, painting exhibition leh chapchar kut film show in an chhunzawm a, mipui leh khualzinten an hlut hle a ni tih an hmuh chu hmasawna lawmawm tak a nih thu a sawi.

Byte: Art & Culture Minister

Larsap Gen Retd VK Singh-a chuan Mizo mipuite Chapchar Kut chibai bukin “Tlawmngaihna” hmangin mahni inphata midang te tanpui nun neih a, inunauna leh inngaihtlawmna nen khawsak ho ni se a ti a ni.

